

Awe mainta lo cay sentencia den e famoso novela di Fundacion Lotto pa Deporte



MANERA conoci caba Corte a notifica e Hunta di Supervision di Fundacion Lotto pa Deporte y Minister di Deporte Dangui Oduber cu a dicidi di cambia e fecha di sentencia den e caso di fondo (*bodem*) pa awe 24 di juli 2019 enbes di dia 11 di september 2019.

E caso aki a wordo posponi na varios ocasion unda cu Ministro di Deporte a duna retiro inmediato n'e miembronan di Hunta di Supervision di Fundacion Lotto pa Deporte: Silvio Janga, Flavio Faneyte, Elias Kock y Tony Kamperveen.

Di otro banda rumornan insistente ta circula riba caya cu e hendenan aki ta morto spanta y hopi nervioso. A yega ora di duna cuenta y razon na un manera transparente.

Wel pa nan ta conta "fast your seat belts". Banda di e investigacion di Algemene Rekenkamer di Aruba (ARA) cu ta na caminda, ta parce cu lo bay tin tambe un investigacion forensico.

Sigur lo bay pone tur miembro di directiva di Lotto cu ta '*fout*' personalmente responsabel manera ley y statuto ta prescribi. Wel mundo di deporte ta di fiesta.

Kisas ta recomendabel toca pa despedida di e grupo aki di 4, cu a sinta mas cu 8 aña den Lotto, e ranchera di e legendario sr. Javier Solis: "*Soy un triste payaso*".